

Transkription von Urkunde HRO 1393b

Ort, Datierung: Rostock, 1393-06-16

Signatur: Stadtarchiv Rostock, U 630 U 630 Kloster Marienehe 1393 Juni 16 [\[online\]](#)

Inhalt: Johan Schulte: Rentenbrief

Ik johan schulte munter bekenne vnde betughe openbare jn desseme breue vor alle den ghenen de Ene zeen edder horen lezen . dat ik myt / wolberadene(m) mode myt vulbord vnde na Rade myner Eruen vnde negesten vru(n)d hebbe rekkelken vn(de) reddelken zettend vn(de) late(n) vn(de) zette vn(de) / late jn desser scrift deme erbaren ma(n)ne hern bertold kerkhoue Radma(n)ne to Rozstok vnde syne(n) rechte(n) eruen twe vndetwintich mark vn(de) achteyn penny(n)ge jarliker renthe Rozsteker pennynges vor dordehalfhundert mark der sulue(n) mæ(n)the de my an reden telleden ghuden pennynges to / dancke wol bered synt jn myme dordende des dorpes to mōnnykehage(n) van den nascreuene(n) bure(n) dar sulues . Ere(n) erue(n) vn(de) nakomelingen / van ere(n) høuen hūuen vnde van alle(n) ere(n) tobehoringe(n) . also van hermen kulema(n) twelf mark rozsteker pe(n)nynges van Clawes hogher teyn mark / vn(de) achteyn pe(n)nynges der suluen mu(n)the alle Jar to sunthe mertens daghe vryelken vn(de) vredesamelken vp toborende by hern berthold kerkhoue / vorben(omet) edder syne(n) Erue(n) were øuer dat hern bertholde edder syne(n) Eruen erb(e)n(omet) Jenich borst edder brake worde i(n) den vorscreuene(n) twe vn(de)twintich / marken vn(de) achteyn pe(n)nynges(n) iarliker renthe so moghen se vn(de) scholen . de suluen twe vn(de) twintich mark vn(de) achteyn pennynges renthe In alle(n) / tobehorynges(n) mynes dordende des dorpes to mō(n)nykehagen(e) vorb(e)n(omet) also id licht vn(de) van oldinges gelēgen heft Jn allen enden syner schede . / sunder yenigerleye hinder vnde bewernisse vpboren vnde entfande . . Vortmer mach her bertold kerkhof vn(de) syne Erue(n) by erer egene(n) macht / myt Eren vrunden wanne vn(de) wo dicke en des nod is de dickebenomede(n) twe vn(de) twintich mark vn(de) achteyn pe(n)nynges renthe panden vte / den erb(e)n(omeden) bure(n) edder ere(n) nakomelinge(n) also herme(n) kulema(n) vn(de) Clawes heger vte eren hōuen vn(de) hūuen vte vn(de) vte myme gantze(n) dor=/dende des dorpes to mōnnykehagen(e) vn(de) vte alle syne(n) tobehoringe(n) . Vnde mōge(n) de pande dryue(n) vlotten vn voren bynne(n) vnse here(n) / lande to Mekelenborgh i(n) en slot dar id en euenst kx(m)pt vnde de pande vorkopen Ere pe(n)nynges dar mede to neme(n)de sunder broke / Vortmer her bertold kerkhof vn(de) syne erue(n) hebben gancze vulkomene macht desse vorscreuene twe vn(de) twintich mark vn(de) achteyn pe(n)=nynges renthe to vorsettende to vorpandende geistlike(n) edder werltlike(n) p(er)sone(n) vor de Erbenomeden su(m)me gheldes vn(de) den se dat setten / Edder vorpanden schal desse iegenwardige bref hulplik vn(de) bruklik wesen . like en salue(n) wo de losinge my vn(de) myne(n) erue(n) beholden / blyue(n) . Ok heft her bertold vn(de) syne erue(n) my vnde myne(n) Erue(n) des ge ghund dat wi de dickebenomede(n) twe vn(de) twintich mark renthe / vn(de) achteyn pe(n)nynges vppe sūnthe mertens dagh wenne wi dat vortbrynge(n) kōne(n) vor de Erbenōmede(n) su(m)men gheldes wedder lösen mōge(n) / de losinge en half iar vppe sūnte merte(n)s dagh her bertolde vn(de) syne(n) Erue(n) to vore(n) to kx(n)degende vn(de) en denne de druddehalfhundert . / mark myt der renthe myt ghuden pennynges de to Rozstoke ghege vn(de) gheue synt vn(de) dar salue(n)s bedderue(n) luden vul mede don mach / To dancke in Ener su(m)men wol tobetalende . were ok dat de Erue(n) henneke(n) vnde gherwe(n) wilden de my dyt vorscreuen dōrdendel to / . mo(n)nekehagen(e) vorkoft hebben wedder koften vor sōs hundert mark de en schal ik edder myne erue(n) nicht vpbore(n) ēr wi her ber=/tolde

vn(de) syne(n) erue(n) de dørdehalfhundert mark vn(de) de renthe vorscreue(n) ganzliken to dancke entwore(n) hebben . Alle desse vor=/screuen(e) stucke vn(de) en iewelik bý zik . loue ik iohan schulte erbenomed myt myne(n) erue(n) hern berthold kerkhoue vn(de) syne(n) erue(n) / stede vast vn(de) vnbrekelik toholdende sunder argelist . To bekantnisse vn(de) grøterer bewaringe hebbe ik iohan schulte vorb(e)n(omet) myn / Jngesegel myt den Jngesegele(n) der Erbare(n) lude hern ioha(n)nis van der aa hern hinric witte(n) vn(de) winold baggele(n) borgermest(er)e to Roz/stok georgi(us) kreuetstorp vn(de) ølrik grullen borgher(e) dar sælues de hir to tæchnisse iegenwordich were(n) . wetendes hanged vor dessen bref / de gheue(n) vnde screue(n) is to Rozstok na godes bord drutteynhundert Jar Jn deme dre vn(de) negentegeste(n) Jare des mandages na sūthe / vitus daghe des hilgen merteleres . /